



Reglament pil diever da localitads communalas

C u n t e g n

I.	Determinaziuns generalas	3
Art. 1	Intent e finamira	3
Art. 2	Occupaziun	3
Art. 3	Damondas	3
Art. 4	Survigilonza	3
Art. 5	Fimar	4
II.	Diever regular	4
Art. 6	Uras da diever	4
Art. 7	Calzers	4
Art. 8	Requisits	4
Art. 9	Clavs	4
III.	Diever special	4
Art. 10	Diever digl inventari	4
Art. 11	Uorden	5
Art. 12	Ustria	5
Art. 13	Schubergiar	5
IV.	Taxas	5
Art. 14	Taxas da diever	5
Art. 15	Taxas da schubergiar	5
V.	Determinaziuns finalas	5
Art. 16	Responsabladad	5
Art. 17	Disposiziuns penalas	6
Art. 18	Abrogaziun	6
Art. 19	Approbaziun e vigur	6

I. Determinaziuns generalas

Art. 1 Intent e finamira

La vischnaunca sco proprietaria metta a disposiziun localitads communalas e diversas apparaturas sco era plazs da giug per diever cultural, diever da sport ed auter.

Art. 2 Occupaziun

¹ Il gerau da scolaresser ei responsabels per l'occupaziun dallas localitads communalas. El rimna entochen la fin digl onn da scola ils giavischs per localitads ed ev. plans d'occupaziun dallas uniuns per il proxim onn e redegia in plan d'occupaziun per mintga singula casa da scola.

² L'administraziun communal meina per mintga casa da scola in plan d'occupaziun el qual tuts termins e tuttas uras veggan indicadas. Ella ei era responsabla per l'actualisaziun da quel.

³ Mintga pedel posseda in plan d'occupaziun actualisaus per la casa da scola nua ch'el ei responsabels.

⁴ Tier l'occupaziun da localitads communalas han uniuns, societads, arranschaders ed organisaturs sesents en vischnaunca la preferenza.

⁵ Occasiuns d'interess superiur sco per exemplu radunonzas communalas, exposiziuns e specialas activitads dallas scolas han prioritad.

Art. 3 Damondas

¹ Pil diever regular sto la damonda per localitads veggir tschentada entochen la fin digl onn da scola al gerau da scolaresser.

² Per divertiments, exposiziuns, cuors, arranschaments, occasiuns specialas sto la damonda per localitads veggir inoltrada alla canzlia communalia cun il formular ufficial aschi baul sco pusseivel, denton sil pli tard in meins avon.

³ Tier damondas a cuort termin dat il gerau responsabel resp. il pedel la lubientscha sche las localitads giavischadas ein libras. Els informeschan ladinamein l'administraziun communalia che cumpleteeschil il plan d'occupaziun.

Art. 4 Survigilonza

¹ Las casas da scola veggan survigiladas dils pedels. Las localitads veggan surdadas dils pedels e suenter il diever puspei returnadas a quels.

² Localitads resp. mobiliar, apparaturas e material da diever che stat sut survigilonza d'uniuns resp. appartegn a quellas vegg surdaus e prius anavos dallas uniuns tenor lur ordinaziuns.

Art. 5 Fimar

En localitads communalas eis ei lubiu da fimar sulettamein tier occasiuns festivas.

II. Diever regular

Art. 6 Uras da diever

¹ Las hallas da gimnastica e las aulas stattan a disposiziun per diever regular tochen allas 23.00 uras.

² Duront il temps da vacanzas da scola stattan las localitads communalas medemamein a disposiziun.

Art. 7 Calzers

En halla da gimnastica astga vegrir purtau duront exercezis da gimnastica e sport sulettamein pantoflas che donnegieschan e tschufrognan buca il plantschiu e vegrin buca duvradas el medem temps era el liber.

Art. 8 Requisits

¹ Requisits da gimnastica sco mattas, lattas da seglir, baras, bucs, cavals, e.a.v. astgan buca vegrir runai entuorn. Pil transport da tals ston ils indrezs e mieds specials avon maun vegrir duvrai.

² Requisits da gymnastica astgan buca vegrir duvrai el liber e sin plassas da giug. Il gerau da scolaresser decida arisguard excepziuns.

Art. 9 Clavs

¹ Il pedel da mintga scola ei responsabels per la repartizion dallas clavs e meina ina controllo.

² Mintga uniun survegn max. 3 clavs. Ils caus dallas uniuns, gruppas, e.a.v. ein responsabels pigl arver e serrar las localitads.

III. Diever special

Art. 10 Diever digl inventari

¹ La vischnaunca resp. las uniuns mettan a disposiziun lur inventari (mobiliar, apparaturas e material da diever) per la halla, l'aula, la cushima ed ulteriurs locals.

² Las uniuns san relaschar in reglament da diever per lur inventari che regla las modalitads da suprender e returnar igl inventari duvraus e che fixescha ils prezis da diever.

³ Mintga organisatur ei responsabels pigl inventari surdaus ad el e sto tractar quel tenor ordinaziun dil possessur.

Art. 11 Uorden

Tut tgi che drova localitads communalas ei responsabels per in survetsch d'uorden cunvegnent ed ei obligaus da dar suatientscha allas indicaziuns dil pedel.

Art. 12 Ustria

Il menaschi d'ustria sedrezza tenor il reglament d'ustria dalla vischnaunca.

Art. 13 Schubergiar

¹ Las localitads duvradas ed ils platz avon scola ein da schubergiar da grob.

² Ils cuosts per schubergiar sco era per la dismessa dils rumians vegnan adossai als organisaturs entras la vischnaunca.¹

IV. Taxes

Art. 14 Taxes da diever

¹ Pil diever regular dallas localitads communalas sco era per occasiuns specialas pagan las societads ed uniuns da vischnaunca, gruppas d'interess communalas ed uniuns e societads regiunalas cun commembers dalla vischnaunca da Sumvitg negina contribuziun.

² Per igl ulteriur diever dallas localitads communalas vegnan las taxes fixadas dalla suprastonza communal. Las gliestas corrispudentas san vegnir retratgas dalla canzlia communal.

Art. 15 Taxes da schubergiar

Las taxes da schubergiar vegnan fixadas dalla suprastonza communal. Las gliestas corrispudentas san vegnir retratgas dalla canzlia communal.

V. Determinaziuns finalas

Art. 16 Responsabladad

¹ La vischnaunca da Sumvitg refusescha scadina responsabladad visavi tiarzas persunas che fan diever da localitads communalas.

² Las uniuns resp. ils organisaturs ein responsabels per tuttis donns caschunai entras tiarzas persunas. La suprastonza sa pretender digl organisatur en connex cun la lubientscha ina segirada da responsabladad.

¹ Art. 13: Revisiun tenor conclus dalla radunanza communal da dils 11-12-2000 (protocol nr. 6)

³ Las uniuns resp. ils organisaturs ein responsabels per tuts donns caschunai vid baghetgs, indrezs, mobilias, requisits ed instruments. Donns caschunai veggan protocolai dil pedel tier la surdada dallas localitads resp. digl inventari.

Art. 17 Disposiziuns penals

Ad organisaturs che setegnan buca vid igl uorden e las ordinaziuns dalla suprastonza, dil pedel e dils possessurs d'inventari san ulteriuras lubientscha da diever veggir refusadas.

Art. 18 Abrogaziun

Quest reglament remplazza il „Reglament per il diever dallas localitads communalas dalla vischnaunca da Sumvitg“ dils 10 da mars 1993.

Art. 19 Approbaziun e vigur


Quest reglament passa en vigur cun l'approbaziun entras la radunanza communalala dils 22-03-1999

il president communal



Placi Michèle Wenzin

igl actuar communal



Martin Monn